



Na osnovu člana 72. stav (3) tačka a) Zakona o javnim nabavkama ("Službeni glasnik BiH", broj: 39/14) i člana 69. Statuta ZD RMU "Breza" d.o.o. Breza, broj: OPU-IP 320/2009, direktor JP Elektroprivreda BiH d.d. – Sarajevo, ZD RMU "Breza" d.o.o. – Breza, za Lot 1. Konkurentskog postupka javne nabavke izrade tehničke dokumentacije, broj: 165-7-2-43-3-31/15 od 16.06.2015. godine, direktor ZD RMU "Breza" d.o.o. Breza donosi:

Broj: 01-OPK- 7504 /15

Breza, 02.07.2015. godine

ODLUKU o poništenju postupka javne nabavke

Član 1.

Poništava se Odluka o izboru najpovoljnijeg ponuđača, broj: 01-OPK-7436/15 od 29.06.2015. godine.

Član 2.

Poništava se Lot 1. Konkurentskog postupka javne nabavke usluge izrade tehničke dokumentacije, broj: 165-7-2-43-3-31/15 od 16.06.2015. godine.

Član 3.

Ova odluka će se objaviti na internet stranici ZD RMU „Breza“ d.o.o. Breza, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

ZD RMU „Breza“ d.o.o. Breza objavio je dana 16.06.2015. godine na Potralu javnih nabavki Konkurentski postupak javne nabavke usluge izrade tehničke dokumentacije "Lot 1. – Dopunski rudarski projekat otkopavanja uglja širokočelnom otkopnom metodom sa zarušavanjem krovine sa SHP "Tagor" u podinskom ugljenom sloju u OP K-14/2P u jami "Kamenice" JP Elektroprivreda BiH d.d. Sarajevo, ZD RMU "Breza" d.o.o. Breza – rudarsko-mašinski dio", Lot 2. - Dopunski rudarski projekat otkopavanja uglja širokočelnom otkopnom metodom sa zarušavanjem krovine sa SHP "Tagor" u podinskom ugljenom sloju u OP K-14/2P u jami "Kamenice" JP Elektroprivreda BiH d.d. Sarajevo, ZD RMU "Breza" d.o.o. Breza – elektro dio", broj: 165-7-2-43-3-31/15.

Istekom roka za dostavu ponuda, Komisija za provedbu postupka javne nabavke, blagovremno je izvršila pregled i evaluaciju u roku pristiglih ponuda o čemu je sačinila Zapisniku o pregledu i ocjeni ponuda, broj: 01-OPK-7435/15 od 29.06.2015. godine (u daljem tekstu: Zapisnik), u kome je konstatovala da je za Lot 1. predmetnog Konkurentskog zahtjeva pristigla 1 (jedna) ponuda koja ispunjava formalno-pravne, ekonomske i tehničke uslove te je data preporuka direktoru da za Lot 1. donese Odluku o dodjeli ugovora najpovoljnijem ponuđaču.

Na temelju preporuke Komisije iz Zapisnika direktor ZD RMU „Breza“ d.o.o. Breza je donio Odluku o izboru najpovoljnijeg ponuđača, broj: 01-OPK-7436/15 od 29.06.2015. godine, koja je uz Obavještenje o rezultatu postupka nabavke, broj: 01-OPK-7438/15 od 29.06.2015. godine, i Zapisnik dostavljena izabranom ponuđaču „Rudarski Institut d.d. Tuzla“ putem e-maila dana 29.06.2015. godine.

U skladu sa članom 3. predmetne Odluke o izboru najpovoljnijeg ponuđača, izabrani ponuđač je bio obavezan u roku od 3 (tri) dana od zaprimanja Odluke o izboru najpovoljnijeg ponuđača na protokol ugovornog organa dostaviti original ili ovjerenu fotokopiju Uvjerjenja kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca koje ne smije biti starije od 3 (tri) mjeseca od dana dostavljanja ponude, a u skladu sa zahtjevima


iz tenderske dokumentacije. S tim u vezi, izabrani ponuđač nije u navedenom roku dostavio traženi dokaz te ugovorni organ donosi Odluku kao u dispozitivu.

PRAVNA POUKA:

Protiv ove Odluke može se izjaviti žalba ZD RMU „Breza“ d.o.o. Breza u roku od 10 (deset) dana od dana prijema ove Odluke.

Dostavljeno:
1x Ponuđač
1x Komisija
1x a/a

Direktor
Cosic dipl.ing.rud.

The image shows a circular official stamp of the ZD RMU "BREZA" d.o.o. Breza. The stamp contains the text "ZD RMU 'BREZA' d.o.o. Breza" and "1". Overlaid on the stamp is a handwritten signature in black ink. Above the signature, the text "Direktor" and "Cosic dipl.ing.rud." is printed.